



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 01.12.2022

Presidi: Peer-Puorger Victor
Partecipant/s: Riatsch-Fedi Fadri
Cantieni-Lanfranchi Andri
Caviezel-Domenig Ursina
Kirchen-Werro Armon
S-chüsà:
Protocol: Oswald Gian Claudio
Fabrica: Paulmichl-Rodigari Albin
Giasst/s:

tractandas	tema	responsabel
1	0120 Executiva Acconsentimaint protocol	tuots
2	0210 Administraziun cumünala Preventiv Quint economic e quint d'investiziuns 2023	tuots
3	0220 Uffizi da fabrica Dum. da fabrica no. 058/2022, chamonna per butia da bain pauril, Gmür Luigi, parcella no. 10574, Tschanüff 99E, 7556 Ramosch	vp/ap
4	0220 Uffizi da fabrica Dum. da fabrica no. 057/2022, chamonna da giallinas, Gottschalk-Caviezel Urezza und Gottschalk-Caviezel Fadri, parcella no. 6234, Chaflur, 7558 Strada	vp/ap
5	0220 Uffizi da fabrica Dum. da fabrica no. 056/2022, mür da sustegn, saiv da sgürezza, Ulrich Koch Transporte GmbH, parcella no. 739, Plan da Muglin 93A, 7556 Ramosch	vp/ap
6	0220 Uffizi da fabrica Dum. da fabrica no. 055/2022, halla per laina dad arder, implant solaras sün tet (cellas solaras drizzadas sü), Marangunaria Beer SA, parcella no. 508, Plan da Muglin, 7556 Ramosch	vp/ap

7	0220 Uffici da fabrica Dum. da fabrica no. 050/2014, müdamaint da proget, Restaurant (Chilly Hub), Yask SA, parcella 347, Quadra Secha 95, 7556 Ramosch Müdamaint da proget; s-chodamaint cun pompa da chalur d'ajer ed aua invezza da s-chodamaint da pellets	vp/ap
8	0220 Uffici da fabrica Dum. da fabrica no. 023/2022, fabrichar oura chasa e tablà, nouva garascha e local tecnic, implant solar sül tet da la chasa, Bossert Antonetta und Bossert Rainer, parcella no. 6146, San Niclà 1-147, 7558 Strada	vp/ap
9	0220 Uffici da fabrica Dum. da fabrica no. 042/2021, chasa d'üna famiglia, pompa da chalur cun fouras geotermicas, Benderer Cristian und Benderer Tamara, parcella no. 414, Salina 82D, 7556 Ramosch Müdamaint da proget; mürs da sustegn vers vest da la chasa	vp/ap
10	0220 Uffici da fabrica Dum. da fabrica no. 037/2020, rimplazzamaint da las fanestras da la chasa, Puchalt Ferri Josep Francesc, parcella no. 431, Seraplana 127, 7556 Ramosch	vp/ap
11	5790 Ulteriurs provedimaints Contribuziuns a diversas instituziuns Dumonda da Greorg Häfner per ün sustegn pella butia a Strada	vp/go
12	0210 Administraziun cumünala Butia Ramosch Contrat da fittanza	vp/go/ap
13	0210 Administraziun cumünala Butia Ramosch Investiziun pel inventar da la butia nouva	vp/ap
14	7900 Planisaziun dal territori Nouva definiziuns dals noms da las vias cumünalas e nouva numeraziun dals edifizis	vp/ap
15	8110 Agricoltura Meglioraziun Tschlin Proposta per ün nouv president pella Meglioraziun Tschlin	vp/go
16	0120 Executiva Orientaziuns	tuots
17	0120 Executiva Varia (suprastanza cumünala)	tuots

0120 Executiva

194 Acconsentimaint protocol

Il protocol da la sezzüda dals 31 d'october 2022 vegn approvà.

0210 Administraziun cumünala

195 Preventiv

Quint economic e quint d'investiziuns 2023

Il capo salüda ils preschaints. Sper la suprastanza ed ils commembers da la direcziun es preschainta eir la manadra finanzas, la quala repassa il preventiv pel quint economic e pel quint d'investiziuns pass per pass. Ella orientescha, cha la suprastanza vaiva surgni l'ediziun dal preventiv chi d'eira gnüda preparada pella sezzüda da direcziun. Quella sezzüda ha gnü lö in lündeschdi ils 28 da november. Sur dals adattamaints chi sun gnüts decis in quella sezzüda, orientescha la manadra finanzas in davoman.

La suprastanza repassa in seguit sparta per sparta il preventiv dal quint economic e dal quint d'investiziuns chi'd es gnü elavurà d'urant ils ultims mais. Quai chi riguarda il quint economic vegnan discusas eventualas dumondas. Cun entradas da frs. 11'727'200.00 incunter sortidas da frs. 11'029'100.00 resulta ün suravanz d'entradas da frs. 698'100.00. Ils adattamaints discus in sezzüda da suprastanza han per consequenza cha las cifras dal preventiv publicà pella radunanza divergeschan ün zich da quella manzunadas survart. Prol quint d'investiziuns sun garanti da manzunar las investiziun in connex culla concentrasiun da las activitats da scoul ed il correspondent spostamaint da las classas da scoula da Ramosch a Strada. Quel adattamaint pretenda cha sül areal da scoula a Strada vegn augmantada la quantità da stanzas ed insomma il spazi per instruir. Il fabricat previs chaschuna cuosts da frs. 4'100'000.00 implü frs. 200'000.00 cuosts pellas lavurs da progettaziun e planisaziun. Pella preparaziun da las sendas d'inviern bsögna la grupp da lavur üna nouva macchina. La macchina cha'l cumün ha es fich veglia ed ha dons chi nu sun plü da reparar da maniera sufficiainta. Il quint d'investiziun demuossa dimena expensas da frs. 5'421'000.00 incunter entradas da frs. 586'800.00. Our da quai resulta ün suravanz da sortidas da frs. 4'823'200.00. Il suravanz d'entradas dal quint economic nun es bun da cumpensar il suravanz da sortidas dal quint d'investiziuns. Our dal motiv chi'd es da preverer cha'l cumün nu dispuona d'avuonda mezs agens per pajar tuot quai chi'd es previs da realisar, sun da procurar mezs esters.

La suprastanza va d'accord cul preventiv e til deliberescha a man da la radunanza.

0220 Uffizi da fabrica

196 Dum. da fabrica no. 058/2022, chamonna per butia da bain pauril, Gmür Luigi, parcella no. 10574, Tschanüff 99E, 7556 Ramosch

Il manader tecnic spiega l'intent dal petent in connex culla realisaziun dad üna butia da bain pauril. Pella butia es previs da plazzar üna chamonna chi masüra 3.90 meters sün 3.15 meters. La chamonna sco tala es construida in lain.

La suprastanza va d'accord culla intent e decida d'inviar il proceder da BAB. Quai chi riguarda la proposta da la direcziun d'integrar il permiss l'indicaziun cha pella gestiun da la butia sun dad accumplir las premissas davart da l'uffizi pella sgürezza da victualias e pella sandà dad animals sustegna eir la suprastanza.

0220 Uffizi da fabrica

- 197 **Dum. da fabrica no. 057/2022, chamonna da giallinas, Gottschalk-Caviezel Urezza und Gottschalk-Caviezel Fadri, parcella no. 6234, Chafalur, 7558 Strada**

Il manader tecnic spiega l'intent dals petents. Quels prevezzan d'installar üna chamonna da giallinas sün üna parcella chi's rechatta sper lur chasa d'abitar ed appartegna ad els. La chamonna es construida in lain ed ha dimensiuns da 1.45 meters sün 3.20 meters. Pella realisaziun nu bsögna ingüns permiss supplementars.

La suprastanza va d'accord cul intent e decida da conceder il permiss necessari.

0220 Uffizi da fabrica

- 198 **Dum. da fabrica no. 056/2022, mür da sustegn, saiv da sgürezza, Ulrich Koch Transporte GmbH, parcella no. 739, Plan da Muglin 93A, 7556 Ramosch**

Il manader tecnic spiega l'intent da la petenta. Quella prevezza da realisar ün mür da sustegn i'l nord e nord-vest da la parcella. L'otezza maximala dal mür vers nord-vest es 4.0 meters ed as sbassa sün 2.0 meters in quel lö ingio ch'el vegn insembel cul mür vers nord. Quel ha ün'otezza maximala da 2.0 meters es sbassa sün 1.0 meter. Il terrain chi segua vegn adattà ed egualisà cun pendenza a l'otezza da la via. Il mür vegn construi cun crappa gronda e quai sün agen terrain. Eir la saiv grischunaisa chi'd es previs da montar sül mür ha da's rechattar sün agen terrain.

La suprastanza va d'accord culla dumonda e conceder il permiss. La cundiziun propuonüda da la direcziun, da pretender cha'l petent fetscha sclerimaints statics quai chi riguarda la construcziun dal mür, sustegna la suprastanza.

0220 Uffizi da fabrica

- 199 **Dum. da fabrica no. 055/2022, halla per laina dad arder, implant solaras sün tet (cellas solaras drizzadas sü), Marangunaria Beer SA, parcella no. 508, Plan da Muglin, 7556 Ramosch**

Il manader tecnic spiega l'intent da la petenta. Quella prevezza da realisar üna halla per laina d'arder ed a listess mumaint ün implant solar sül tet da tal edificiz. La halla masüra 22.80 meters sün 12.20 meters ed ha ün'otezza da tanter 7.37 meters respectivamaing 6.84 meters, masürà dal nivel da la parcella da dret da fabrica. Da la vart suotvart, dimena da quella vart ingio chi's rechatta la halla da la Brancla Immobilien SA, es previs da fabrichar fin sül cunfin cumünaivel da las parcellas, la pensa dal tet da la halla penda però sur il cunfin da la parcella da dret da fabrica oura. Our da quist scopo ha la petenta da procurar ün correspondent contrat da dret funsil. Quai chi riguarda las installaziuns solaras sün tet es previs da realisar ün implant cun collecturs muntats dret sü. Quels raggiundschan ün'otezza dad 1.50 meters. Per simils intents s'ha la suprastanza resalvada la pussibilità da far excepziuns. L'aua meteora es previs da laschar sfuondrar davo la halla in direcziun da la Brancla. In vista a la situaziun ch'illa halla vegn realisada üna tualetta cun büglin sun da metter in quint eir las taxas d'attach per quel adöver.

La suprastanza va d'accord cul intent e decida da conceder il permiss da fabrica.

0220 Uffici da fabrica

Dum. da fabrica no. 050/2014, müdamaint da proget, Restaurant (Chilly Hub), Yask SA, parcella 347, Quadra Secha 95, 7556 Ramosch

Müdamaint da proget; s-chodamaint cun pompa da chalur d'ajer ed aua invezza da s-chodamaint da pellets

Il manader tecnic orientescha, cha davart da la petenta d'eira gnüda inoltrada üna dumonda per ün adattamaint da proget in connex cul s-chodamaint. Culla dumonda oriunda d'eira previs da realisar üna s-chodamaint da pellets. Uossa ha la petenta però decis dad installar üna pompa da chalur dad ajer ed aua. Il lö da l'installaziun ha il manader tecnic amo discus culla petenta.

Concretamaing vegn quella uossa installada vi da la fatschada vers süd-ost dimena vers l'areal da Quadra Secha. Il lö da l'installaziun correspuonda a las ledscha valablas, eir quai chi riguarda ün eventual disturbi da canera.

La suprastanza va d'accord cul intent e decida da conceder il permiss. Quai chi riguarda il retard dal fabricat da l'edifizi sco tal, es la suprastanza decisa da pretender cha talas lavurs vegnan finalisadas. Our da quel scopo vegn proponü da far üna sezzüda cul legitimà dal dret da fabrica.

0220 Uffici da fabrica

Dum. da fabrica no. 023/2022, fabrichar oura chasa e tablà, nouva garascha e local tecnic, 201 implant solar sül tet da la chasa, Bossert Antonetta und Bossert Rainer, parcella no. 6146, San Niclà 1-147, 7558 Strada

Il manader tecnic spiega l'intent dals petents. Quels prevezzan d'adattar e renovar lur edificzi a San Niclà. Intuorn chasa existan actualmaing divers suosts chi vegnan allontanats. L'üsch d'entrada vegn rimplazzà ed i vegn reconstruida la fuorma oriunda da l'üsch, dimena ün üsch cun vout. I'l nord da l'edificzi vegn realisà ün annex il qual serva sco garascha, local tecnic e deposit pels pellets. Sül tet da tal edificzi vegn realisada üna lobia. Quel edificzi es per part suotterran, uschè chi penden oura be ca. 97 cm dal terrain. Da l'annex nouv maina ün üsch illa stalla veglia. Tras ün üsch chi maina illa chasa as riva sur üna nouva s-chala i'l plan terrain. Intuorn il cubus da la s-chala vegn realisada üna trocla chi fuorma eir güsta ün local da deposit. Sül plan terrain vegnan allontanats illa part vers nord divers mürs interns. In quel lö vegnan in seguit construits duos novs locals. Vers il tablà vegn realisada ün'avertüra la quala maina illa trocla chi vegn realisada i'l tablà. Quella trocla masüra bundant 25% da l'ingrondimaint da la surfatscha d'abitar chi'd es pussibel da far tenor la ledscha da seguondas abitaziuns. In quella trocla vegnan realisadas üna chadafö cun local per mangiar ed üna stüva. La trocla nu cumpiglia tuot la surfatscha dal tablà, uschè chi's po sortir our da fanestras chi tendschan fin per terra sün alch simil sco üna lobia. Duos parts dal local tendschan fin süll'otezza dal tet dal tablà. Las savas dal tablà vegnan rimplazzadas cun da quellas chi pon gnir drividas. Eir per rivar sül plan sura vegn realisada üna s-chala nouva. Üna part da quel plan resta fraid. Illa part vers ost vegn realisà ün bogn nouv. Sur la trocla chi's rechatta sül plan terrain as riva tras ün üsch in ün local fraid. Süll'ala dal tet dal tablà vers süd vegn realisada sün tuot la surfatscha üna installaziun cun collecturs solars. Ils permiss supplementars sun avantman. L'intent es gnü accompagnà da Mengia Mathis, il güdicat dad ella es dimena eir positiv. La suprastanza va d'accord cul intent e decida da conceder il permiss necessari da fabrica. In quel permiss dess gnir rendü attent al fat cha'l s-chav pella lingia dad aua persa va sur il cunfin da la parcella dals petents oura, chi bsögnan our da quel motiv dimena ün permiss dal proprietari da terrain vaschin.

0220 Uffici da fabrica

- 202 Dum. da fabrica no. 042/2021, chasa d'üna famiglia, pompa da chalur cun fouras geotermicas, Benderer Cristian und Benderer Tamara, parcella no. 414, Salina 82D, 7556 Ramosch**
Müdamaint da proget; mürs da sustegn vers vest da la chasa

Il manader tecnic spiega, cha davart dals petents sajan gnüts inoltrats ils plans d'execuziun per lur intent realisà a Ramosch. Ils mürs da sustegn i'l vest da l'edifizi sun eir portats aint i'ls plans inoltrats. Quels nu d'eiran gnüts approvats in quella fuorma e ston gnir examinats ed approvats in davopro. Las divergenzas da las fanestras vaiva la direcziun examinà ed approvà, davo cha la suprastanza vaiva concess il permiss da fabrica.

La suprastanza va d'accord cul intent e decida d'approvar ils plans d'execuziun inoltrats dals petents.

0220 Uffici da fabrica

- 203 Dum. da fabrica no. 037/2020, rimplazzamaint da las fanestras da la chasa, Puchalt Ferri Josep Francesc, parcella no. 431, Seraplana 127, 7556 Ramosch**

Il manader tecnic spiega cha'ls petents han rimplazzà las fanestras veglias cun da quellas sainza trapiartidas, adonta cha quai d'eira gnü pretais davart da la suprastanza e d'eira in seguit gnü integrà i'l permiss da fabrica. Ils petents han inoltrà in quist connex fotografias da las fanestras novas insembel cun üna dumonda per ün adattamaint da proget.

La suprastanza va d'accord cul adattamaint e decida d'approvar las lavurs effectuadas.

5790 Ulteriurs provedimaints

- 204 Contribuziuns a diversas instituziuns**

Dumonda da Georg Häfner per ün sustegn pella butia a Strada

I capo ed il manader da l'administraziun orienteschan cha davart da Georg Häfner es gnüda inoltrada üna dumonda per ün sustegn da lur butia a Strada. Dürant la stà 2022 es gnüda rimplazzada la vetta d'asfalt da la via davant la butia. Tenor Georg Häfner ha quella manà d'ürant ün'eivna ad üna reducziun dal schmertsch da raduond 35% pella butia. Insomma as sviluppan il schmertsch cuntinuant a val, quai chi fa fastidi. Pustüt la glieud giuvna nu fa lur cumischiuns in sia butia e banduna per quai la fracziun. Our da quel motiv dumonda Georg per ün sustegn al cumün. In quist connex manzuna el, cha eir la butia a Ramosch ha gnü gronds problems e vegn cuntschaintamaing sustgnüda dal cumün.

La suprastanza es da l'avis cha'l conguai da Georg culla butia Ramosch nun es correct. Pel salvamaint da la butia Ramosch s'han organisats divers privats e fondü in seguit üna società. Quella società ramassà daspö ün pêr ons passa frs. 20'000.00 l'on per sustgnair la gestiun da la butia. Il cumün per sia part nu's partecipescha cun üna contribuziun finanziaria vi da la gestiun. Cun quai cha la butia nun ha ingüns locals adattats ha il cumün fat ün sforz per realisar locals adattats. Per quels inchascha il cumün però ün fit a la butia, respectivamaing da la fittadina da l'edifizi. Il petent dess gnir infuormà in quel sen e gnir intimà d'inchaminar üna simla via per promover l'existenza da la butia.

0210 Administraziun cumünala

205 Butia Ramosch

Contrat da fittanza

Davo cha la suprastanza nu d'eira statta capabla da chattar accumodamaint quai chi riguarda il fit pel edifizii da la butia Ramosch, vaiva la direcziun tut inavo la fatschenda ed impromiss d'elavurar propostas. In quist connex sun gnüdas ramassadas e procuradas diversas infuormaziuns. A la fin dals quintes ha la direcziun però s'abinada sün üna proposta ch'ella es eir pronta da sustgnair e da star davo. Pel fit da la butia vegn proponü d'applicar il fit chi'd es gnü pajà fin da qua pellas localitats veglias, dimena frs. 18'000.00 e quai pels prossems 4 ons. Quel fit correspuonda ad ün fit per ün impraist fix da 4 ons (actualmaing raduond 1.85%). Davo quella dürada es previs d'augmantar il fit sco comunicà avant sco realisar l'edifizii. Per far quel pass esa previs da consultar las cifras in connex cul andamaint dal affar.

La suprastanza maina üna viva discussiun. I da motivs per sustgnair l'idea da la direcziun mo eir votums critics invers quista proposta. A la fin s'abina la suprastanza però da sustgnair la proposta da la direcziun e da s'abinar cun ün contrat da 4 ons cun ün fit annual da frs. 18'000.00.

0210 Administraziun cumünala

206 Butia Ramosch

Investiziun pel inventar da la butia nouva

Il manader tecnic spiega cha la respunsabla da la butia s'ha drizzada ad el culla dumonda scha'l cumün pudess surtour cuosts pel inventar da la butia. Üna dumonda pro l'Agüd da Muntogna nun es amo respusa. Ils respunsabels han però miss in vista ün import, miss in dumonda vegn però scha l'otezza da quel tendscha pella investiziuns necessarias. Per pudair tour in funcziun la butia sun averts cuosts da raduond frs. 35'000.00. La suprastanza maina üna discussiun quai chi riguarda la finanziaziun da l'inventar pella butia. Scha quel appartegna al cumün, sco proprietari da l'edifizii po quel gnir surdat in cas ad ün futur fittadin, quai chi fa sen. Il capo orientescha ch'el haja tut part ad üna visita oculara cun ün rapreschantant da l'Agüd da Muntogna, cha la Società Butia Ramosch vaiva organisà. A chaschun da quella visita sun gnüts constatats sbagls in connex culla dumonda pel sustegn. Ils preschaints s'han abinats d'adattar la dumonda da maniera cha l'Agüd da Muntogna possa trattar quella dumonda a chaschun da sia sezzüda dals 7 da december 2022. Tenor las infuormaziuns actualas sturess il cumün be imprometter üna prefinanziaziun pel acquist.

La suprastanza va d'accord cul intent e decida da prefinanziar l'import. Important in quist connex es però, cha l'inventar as rechatta davopro in possess dal cumün, quai chi'd es il cas.

7900 Planisaziun dal territori

207 Nouva definiziuns dals noms da las vias cumünalas e nouva numeraziun dals edifizis

Il manader tecnic orientescha chi ha gnü lö üna sezzüda tanter rapreschantants dal Chantun, el ed il manader da l'administraziun in connex cullas indicaziuns da vias e la numeraziun dad edifizis. Tenor quels nun esa correct cha'l nom d'üna via as müda sül trajet tras cumün ed ha uschè differents terms. Eir la numeraziun sturess as drizzar davo ün sistem unitar. Voul dir cha la numeraziun sturess cumanzar pro mincha via cul numer 1 e cuntinuar cun pêr dad üna vart e dispêr da l'otra vart da la via. Per surfatschas na surfabrichadas füssan da reservar numers. Pella zona da cumün resta la decisiun prol cumün, pel ulteriur territori cumünal esa fingià gnü decis davart dal Chantun d'adattar las indicaziuns dals noms da las vias ed ils numers davo ün sistem. Il manader tecnic ha procurà ün'offerta da la ditta Darnuzer da Tavo. Quell'offerta s'amunta a frs.

25'000.00, pellas lavurs contribuìscha il Chantun frs. 20'000.00, uschè chi restessan pel cumün cuosts da frs. 5'000.00. Che chi nun es da negliger sun las consequenzas pellas lavurs ill'administraziun da fabrica sco ill'ulteriura administraziun cumünala.

La suprastanza segua a la proposta da la direcziun e decida da desister sün quista lavur intant cha'l cumün dascha decider. Las consequenzas pell'administraziun da fabrica e l'administraziun cumünala sun immensas e nu portan avantags.

8110 Agricultura

208 Meglioraziun Tschlin

Proposta per ün nouv president pella Meglioraziun Tschlin

Cuntschaintamaing ha demischiunà Georg Häfner sco president da la Meglioraziun Tschlin. La tscherna pel rimpiazzamaint dad el ha lö a chaschun da la radunanza cumünala da gövgia ils 15 da december 2022. La suprastanza maina üna discussiun sur da valablas candidatas e candidats. Fin pro la radunanza, chi ha lö in gövgia ils 15 da december, vegnan contactadas persunas chi dispuonan sur da cugnuschentschas e qualitats adattadas. A chaschun da quella ha lö l'elecziun.

0120 Executiva

209 Orientaziuns

Promoziun da sandà cun Scuol, Zernez e Samignun

Ursina orientescha cha la dumonda da cussagliaziuns in connex culla piazza s-chaffida s'ha augmantada fich ferm. Il pensum pella piazza parziala es dimena gnü adattà sün 80% actualmaing. Tenor las infuormaziuns preschaintas sun ils respunsabels actualmaing vi da l'examinaziun scha'l CSEB nu surpiglia quella piazza in lur respunsabiltà ed il cumüns contribuìschan uschè sur il quint dal CSEB lur part vi dals cuosts. La sporta chi d'eira gnüda s-chaffida illa chasa a Prasas-cher vegn serrada definitivamaing. Che chi vegn fat cun tal edificzi fin cha'l contrat da fittanza scrouda, as rechatta in elavuraziun. Tuot in tuot as constatà chi vegn vi e plü greiv da recrutar personal. Tant pella chüra a Zernez sco eir a Scuol ed in Samignun s'haja grondas fadias da chattar personal qualificà.

Uffizi forestal

Ursina orientescha, ch'ella haja tut part insembel cul silvicultur respunsabel a la dieta da la Selva. In quist connex sun gnüts orientats ils partecipants sur dal success da lur lavur. Sper la contabilità cumünala maina l'uffizi forestal üna contabilità i'l sistem da *ForstBAR*. Quella permetta da far analisas in connex cul success da las fadias dal silvicultur e seis team.

Radunanza annuala da la „Cumünanza d'interess dals cumüns pitschens dal Chantun Grischun“ e Radunanza generala da la „Cumünanza d'interess per cumüns da concessiun dal Grischun“

Ursina orientescha, ch'ella ha tut part insembel cul capo e cun Armon Kirchen a las surnomnadas radunanzas. A chaschun da la radunanza generala da la „Cumünanza d'interess per cumüns da concessiun dal Grischun“ (IGK), es gnü elet il capo sco successur da Not Carl illa suprastanza

CSEB

Fadri orientescha, cha la suprastanza da la fundaziun dal CSEB ha gnü üna dieta d'urant duos dis. A chaschun da quellas sun gnüts discussiunats divers affars, pendenzas ed intents dal CSEB. Sco cha Ursina ha fingià infuorma es eir gnü orientà sur da la finischun da la sporta illa chasa a Prasas-cher. Per quel edificzi vegn tscherchada ün'utilisaziun alternativa, fin cur cha'l contrat da fittanza scrouda i'l 2027. Per discussiun sta eir ün augmaint dal stabilimaint da la Chasa Puntota. Concretamaing vegnan fattas ponderaziuns per dozar il stabilimaint per ün ulteriur plan. Per quel intent vegn fat ün stüdi da variantas. Quai chi pertocca il preventiv pel prossem on da gestiun nu sun previsas ingünas investiziuns plü grondas.

Iglüminaziun publica

Tenor infuormaziun dal capo e dal manader tecnic es l'intent in connex cul stüder las glüms da via d'ürant las uras da not, dimena tanter las 24:00 e las 05:00, gnü miss per intant sün glatsch. Il cumün da Zernez vaiva il prüm signalisà d'ir d'accord cun stüder las glüms d'ürant quellas uras, quai chi s'ha müdà. Tenor il capo esa deplorable, cha'l man public nun es abel da signalisar cun quista acziun cumünaivla sülla situaziun precara quai chi riguarda ün'eventuala s-charsdà da forz'electric. El dubita cha Zernez fa part plü tard ad üna simla acziun.

0120 Executiva

210 Varia (suprastanza cumünala)*Plazza davant la baselgia a Vnà*

Fadri Riatsch orientescha chi sajan gnüdas duos personas invers el culla dumonda scha davart dal cumün nu's vules ponderar da rimplazzar l'asfalt davant la baselgia a Vnà cun salaschada. Pella fracziun da Vnà es gnü decis da princip da realisar las surfatschas da la via cun salaschada. L'aspet da la piazza gnis ameglirà fich cun ün rimplazzamaint da l'asfalt. La suprastanza es da l'avis cha talas personas dessan inoltrar üna corrispondenta dumonda prol cumün.

Società da Musica Tschlin - Festa Giubileum 150 ons

Il manader da l'administraziun es gnü orientà da Peder Andri Arquint, cha l'on chi vain ha lö la Festa da Giubileum da 150 ons da la Società da Musica Tschlin. Quella festa ha lö ils 24 da gün 2023. Sco lö da festa es previs Sclamischo. Üna corrispondenta dumonda vegn amo inoltrada prol cumün. Pell'examinaziun d'ün sustegn finanziel ha il manader da l'administraziun infuormà a Peder Andri d'inoltrar üna dumonda concreta, quai cha la società fa apaina chi sun avantman cifras concretas.

Radunanza cumünala dals 18 da november – piazza da parca Plaz Sura

Il capo orientescha, cha davo la radunanza ha inoltrà Thomas Kohl üna charta in connex culla votumaziun a regard la revisiun totala da la planisaziun cumünala. Concret dumonda el, perche chi nun es stat pussibel da separar la votumaziun quai chi riguarda la protecziun da bos-cha e la decisiun da realisar üna piazza da parcar. Il capo repassa la via inchaminada in connex cullas votumaziuns. In vista als votums chi sun gnüts fats a chaschun da la radunanza, es la decisiun gnüda separada. Las votantas es ils votants chi d'eiran preschaints quella saira han vuschà independentamaing sur da la proposta da la suprastanza e quella da Cla Nogler. La radunanza s'ha in quist connex decis pella proposta da la suprastanza, la quala es gnüda resguardada in seguit eir a chaschun da l'approvaziun dals plans da zonas e plans generals da fuormaziun.

7556 Ramosch, 09.01.2023

CUMÜN DA VALSOT



Il capo:

manader administraziun: